



অবিলম্বে প্রকাশের উদ্দেশ্যে: 7/24/2022

গভর্নর ক্যাথি হোকল

গভর্নর হোকল নিউ ইয়র্কবাসীদের আজ বিকেলে এবং আজ রাতে প্রচণ্ড বজ্রঝড়ের জন্য প্রস্তুত থাকার আহ্বান জানিয়েছেন

ওয়েস্টার্ন নিউ ইয়র্ক, ফিঙ্গার লেকস, সাউদার্ন টিয়ার এবং সেন্ট্রাল নিউ ইয়র্ক প্রবল বৃষ্টি, প্রবল বাতাস, কিছু শিলাবৃষ্টি এবং বিচ্ছিন্ন টর্নেডোর সম্ভাবনা দেখতে থাকবে

রাজ্যের এজেন্সিগুলি গভর্নর হোকলের নির্দেশে জরুরী সম্পদগুলি প্রস্তুত করেছে

গভর্নর ক্যাথি হোকল আজ নিউ ইয়র্কবাসীদের আপস্টেট নিউ ইয়র্ক জুড়ে রবিবার বিকেল থেকে শুরু হয়ে সোমবার পর্যন্ত হওয়া প্রচণ্ড বজ্রঝড় এবং উচ্চ বাতাসের জন্য প্রস্তুত থাকার জন্য আহ্বান জানিয়েছেন। চলমান তাপ সংক্রান্ত উপদেষ্টা ছাড়াও, জাতীয় আবহাওয়া পরিষেবা ওয়েস্টার্ন নিউ ইয়র্ক, ফিঙ্গার লেকস, সাউদার্ন টিয়ার এবং সেন্ট্রাল নিউ ইয়র্ক অঞ্চলগুলিকে এই ঝড়গুলির দ্বারা প্রভাবিত হওয়ার একটি বর্ধিত ঝুঁকির পূর্বাভাস দিয়েছে। এই অঞ্চলগুলির পূর্বাভাসগুলি ভারী বৃষ্টিপাত, ক্ষতিকারক বাতাস, শিলাবৃষ্টি এবং বিচ্ছিন্ন টর্নেডোর সম্ভাবনার আহ্বান জানিয়েছে। স্থানীয়ভাবে ভারি বর্ষণ নিচু এলাকায়, সেই সাথে দুর্বল নিষ্কাশনের এলাকাগুলির ক্ষেত্রেও ছোটখাটো বন্যা তৈরি করতে পারে।

এর প্রতিক্রিয়ায়, গভর্নর হোকল রাজ্যের এজেন্সিগুলিকে নির্দেশ দিয়েছেন যে কোনও কঠিন প্রভাবের ক্ষেত্রে স্থানীয় এলাকাগুলির প্রয়োজনীয় সহায়তা নিশ্চিত করার জন্য জরুরি প্রতিক্রিয়ার সংস্থান এবং কর্মীদের প্রস্তুত করতে। নিউ ইয়র্কবাসীদের তাদের স্থানীয় পূর্বাভাসগুলি ঘনিষ্ঠভাবে অনুসরণ করতে, প্রতিবেশীদের খবর নিতে এবং ঝড়ের পুরো সময়কাল জুড়ে নিরাপদ থাকতে উৎসাহিত করা হচ্ছে

"যদিও তাপের মান 97 ডিগ্রি পর্যন্ত থাকার সময় একটি তাপ সংক্রান্ত উপদেষ্টা আজ বিকেল পর্যন্ত কার্যকর থাকবে, শক্তিশালী বজ্রঝড় আজ পরে এবং আজ রাতে রাজ্য জুড়ে অগ্রসর হওয়ার পূর্বাভাস দেওয়া হয়েছে যা সেই নিউ ইয়র্কবাসীদের জন্য প্রয়োজনীয় স্বস্তি নিয়ে আসে যারা গত বেশ কয়েক দিন ধরে উচ্চ তাপের সাথে লড়াই করেছেন," **গভর্নর হোকল বলেছেন।** "আমাদের কাউন্টির অংশীদারদের সহায়তার প্রয়োজন হলে আমি রাজ্যের এজেন্সিগুলিকে জরুরি প্রতিক্রিয়ার সম্পদগুলি প্রস্তুত করার নির্দেশ দিয়েছি। ইতিমধ্যে, আমি নিউ ইয়র্কবাসীদের এই শক্তিশালী ঝড় পর্যবেক্ষণ করতে এবং বিদ্যুৎ বিভ্রাটের ক্ষেত্রে এখনই প্রস্তুত হতে বলি।"

ঝড়গুলি ঠাণ্ডা আবহাওয়ার আগে সারা বিকেল এবং সন্ধ্যা জুড়ে পশ্চিম থেকে পূর্ব দিকে অগ্রসর হবে যা এই দম বন্ধ করা তাপ এবং আর্দ্রতা থেকে স্বস্তি আনবে। সোমবার, নিউ ইয়র্ক সিটি, লং আইল্যান্ড এবং হাডসন উপত্যকা মারাত্মক আবহাওয়ার সামান্য ঝুঁকিতে থাকবে। সোমবার পশ্চিম থেকে পূর্বে বৃষ্টি কমে যাবে এবং মঙ্গলবার ও বুধবারের মধ্যে আরও হালকা এবং শুষ্ক আবহাওয়া প্রত্যাশিত।

আবহাওয়ার পর্যবেক্ষণ, সতর্কতা, পরামর্শ এবং সর্বশেষ পূর্বাভাসের সম্পূর্ণ তালিকার জন্য, জাতীয় আবহাওয়ার পরিষেবার [ওয়েবসাইটে](#) যান।

নিউ ইয়র্ক হোমল্যান্ড সিকিউরিটি অ্যান্ড ইমার্জেন্সি সার্ভিসেসের (New York Homeland Security and Emergency Services) কমিশনার জ্যাকি ব্রে বলেছেন, "আপস্টেটের বেশিরভাগ অংশ জুড়ে প্রত্যাশিত ঝড়ের প্রকৃত ক্ষতি করার সম্ভাবনা রয়েছে এবং নিউ ইয়র্কবাসীদের প্রস্তুত এবং নিরাপদ থাকার জন্য তাদের যথাসাধ্য করা উচিত। স্টেট ইমার্জেন্সি অপারেশনস সেন্টার (State Emergency Operations Center) ঘনিষ্ঠভাবে এই ঝড়গুলি পর্যবেক্ষণ করছে এবং আমাদের টীমগুলি আমাদের স্থানীয় অংশীদারদের আমরা যেভাবে সম্ভব সমর্থন করার জন্য প্রস্তুত রয়েছে।"

এজেন্সির প্রস্তুতিগুলি

স্বদেশের নিরাপত্তা ও জরুরী পরিষেবা বিভাগ (Division of Homeland Security and Emergency Services)

নিউ ইয়র্ক স্টেট ডিভিশন অফ হোমল্যান্ড সিকিউরিটি অ্যান্ড ইমার্জেন্সি সার্ভিসেসের (New York State Division of Homeland Security and Emergency Services) এমার্জেন্সি অপারেশনস সেন্টার আবহাওয়া এবং ভ্রমণের অবস্থাগুলি পর্যবেক্ষণ করছে এবং স্থানীয় সরকারগুলির সাথে প্রতিক্রিয়ার প্রয়োজনগুলি সমন্বয় করবে। পাম্প, চেইন স, বালির বস্তা জেনারেটর, খাট, কঞ্চল ও বোতলজাত পানিসহ ঝড়-সংক্রান্ত প্রয়োজনীয় সংস্থান প্রয়োজনে ক্ষতিগ্রস্ত লোকজনের কাছে পৌঁছে দিতে স্টেটের মজুদ প্রস্তুত রয়েছে।

পরিবহন বিভাগ (Department of Transportation)

ডিপার্টমেন্ট অফ ট্রান্সপোর্টেশন আবহাওয়ার পরিস্থিতি পর্যবেক্ষণ করছে এবং 3,200টিরও বেশি সুপারভাইজার এবং অপারেটরদের সাথে প্রতিক্রিয়া জানাতে প্রস্তুত। কর্মীদের যেকোন ধরনের প্রয়োজনীয় প্রতিক্রিয়ার করুতে কনফিগার করা যেতে পারে (বন্যার প্রতিক্রিয়া, চিপার, লোড অ্যান্ড হউল, সিভার জেট, কাট অ্যান্ড টস, ট্রাফিক সিগন্যাল ইত্যাদি)। স্টেট ব্যাপী থাকা ইকুইপমেন্টের সংখ্যা নিম্নোক্তানুসারে:

- 1,297টি বড় ডাম্প ট্রাক
- 304টি বড় লোডার

- 81টি ট্র্যাকড ও চাকাযুক্ত খননযন্ত্র
- 72টি চিপার
- 19টি গ্রেডার
- নিকাশী জেট সহ 15টি ভ্যাকুয়াম ট্রাক
- 14টি গাছের ক্ৰু বাকেট ট্রাক

থ্রুওয়ে কর্তৃপক্ষ

থ্রুওয়ে কর্তৃপক্ষের (Thruway Authority) 640 জন অপারেটর এবং সুপারভাইজার আছে যারা রাজ্য জুড়ে ছোট বা মাঝারি আকারের এক্সক্যাভেটর, প্লাউ/ডাম্প ট্রাক, বড় লোডার, পোর্টেবল VMS বোর্ড, পোর্টেবল লাইট টাওয়ার, ছোট জেনারেটর, ছোট পাম্প এবং যন্ত্রপাতি বহন করার ট্রেলার, সেই সাথে সাইনেজ এবং কোনো পথ বা বন্ধের জন্য উপলব্ধ অন্যান্য ট্রাফিক কন্ট্রোল ডিভাইস সহ রাজ্য জুড়ে বাতাস বা বন্যা সংক্রান্ত যেকোনো সমস্যার মোকাবিলার জন্য প্রস্তুত। থ্রুওয়েতে মোটরচালকদের সতর্ক করতে বিভিন্ন রকমের বার্তার চিহ্ন, হাইওয়ে সতর্কতা রেডিও এবং সোশ্যাল মিডিয়া ব্যবহার করা হয়।

এই তাপপ্রবাহের সময়, থ্রুওয়ের কর্মীরা রাস্তার অবস্থা পর্যবেক্ষণ করছে এবং অক্ষম যানবাহনের সুস্থতা পরীক্ষা করছে।

স্টেট ব্যাপী থাকা ইকুইপমেন্টের সংখ্যা নিম্নোক্তানুসারে:

- 346টি বড় ও ছোট ডাম্প ট্রাক
- 65টি বিশাল লোডার
- 7টি ভ্যাকুয়াম ট্রাক
- 16টি ট্র্যাক করা এবং চাকাযুক্ত এক্সক্যাভেটর
- 8টি ব্রাশ চিপার
- 99টি চেইন স
- 19টি বাকেট ট্রাক
- 84টি বহনযোগ্য জেনারেটর
- 67টি বহনযোগ্য লাইট ইউনিট

থ্রুওয়ে অথোরিটি (Thruway Authority) মোটরযান চালকদের তাদের মোবাইল অ্যাপ ডাউনলোড করার সুপারিশ করে যা আইফোন ও অ্যান্ড্রয়েড ডিভাইসে বিনামূল্যে ডাউনলোড করা যাবে। অ্যাপের মাধ্যমে মোটরিস্টরা রাস্তায় থাকার সময় লাইভ ট্রাফিক ক্যামেরা, রিয়েল-টাইম তথ্য ও নেভিগেশন সংক্রান্ত সহায়তায় সরাসরি অ্যাক্সেস পাবেন। মোটর চালকরা ট্রান্সঅ্যালার্ট ই-মেইলের জন্যও সাইন আপ করতে পারেন যা থ্রুওয়ে বরাবর অতি সম্প্রতি ট্রাফিক অবস্থা প্রদান করে, টুইটারে @ThruwayTraffic অনুসরণ করুন এবং thruway.ny.gov এ যান থ্রুওয়ে এবং অন্যান্য নিউ ইয়র্ক রাজ্যের সড়কপথের ট্রাফিক অবস্থা দেখানো একটি ইন্টারেক্টিভ মানচিত্র দেখতে।

পরিবেশ সংরক্ষণ বিভাগ (Department of Environmental Conservation)

DEC পরিবেশ সংরক্ষণ পুলিশ অফিসার, ফরেস্ট রেঞ্জার্স, আপেকালীন ম্যানেজমেন্ট স্টাফ এবং আঞ্চলিক স্টাফরা সতর্ক থাকবেন এবং পরিবর্তিত পরিস্থিতিতে নজর রাখবেন এবং খারাপ আবহাওয়ার দরুন ক্ষতিগ্রস্ত হওয়ার সম্ভাবনা রয়েছে এরকম এরিয়া এবং অবকাঠামোগুলিতে তারা টহলদারি চালাবেন। সকল উপলভ্য সম্পদ যেকোনও জরুরি পরিস্থিতি মোকাবেলায় সহায়তা করতে প্রস্তুত রয়েছে।

পার্ক, বিনোদন ও ঐতিহাসিক সংরক্ষণ দপ্তর (Office of Parks, Recreation and Historic Preservation)

নিউ ইয়র্ক স্টেট পার্ক পুলিশ এবং পার্কের পার্সোনেলরা সতর্ক আছে এবং আবহাওয়া পরিস্থিতি এবং তার পরিণামের উপর কড়া নজর রাখছেন। পার্কে গমনকারীদের parks.ny.gov ওয়েবসাইট চেক করা উচিত অথবা পার্কের সময়, খোলা ও বন্ধের ব্যাপারে সর্বশেষ তথ্যের জন্য তাদের স্থানীয় পার্ক অফিসে কল করা উচিত।

নিউ ইয়র্ক পাওয়ার অথরিটি (New York Power Authority, NYPA) / ক্যানাল কর্পোরেশন (Canal Corporation)

নিউ ইয়র্ক পাওয়ার অথরিটি এবং নিউ ইয়র্ক স্টেট ক্যানাল কর্পোরেশন পরিস্থিতি পর্যবেক্ষণ করছে এবং আসন্ন আবহাওয়া পরিস্থিতির জন্য সমস্ত সম্পদগুলিকে প্রস্তুত করছে। NYPA এবং ক্যানালসের প্রতিনিধিরা প্রয়োজন অনুসারে স্টেট, কাউন্টি এবং স্থানীয় জরুরি কর্মীদের সাথে ঘনিষ্ঠ যোগাযোগে রয়েছেন। প্রয়োজনে NYPA ট্রান্সমিশন এবং অন্যান্য কর্মীদের সহায়তা করতে পাঠানোর জন্য NYPA প্রস্তুত রয়েছে। ক্যানাল কর্পোরেশন নোটিশ টু মেরিনার্স অ্যালাটের মাধ্যমে জনসাধারণকে প্রয়োজন অনুযায়ী আপডেট করবে। জনসাধারণের সদস্যরা ক্যানাল কর্পোরেশনের (Canal Corporation) ওয়েবসাইটে এই নোটিশগুলি পেতে সাইন আপ করতে পারেন।

জনসেবার বিভাগ (Department of Public Service)

সম্ভাব্য গুরুতর আবহাওয়ার জন্য নিউ ইয়র্ক স্টেট জুড়ে ক্ষতির মূল্যায়ন, প্রতিক্রিয়া, মেরামত এবং পুনরুদ্ধারের প্রচেষ্টায় নিয়োজিত হওয়ার জন্য নিউ ইয়র্কের ইউটিলিটিগুলিতে প্রায় 6,400 জন কর্মী উপলব্ধ রয়েছেন। এজেন্সির কর্মীরা পুরো সময় ইউটিলিটিগুলির কার্যক্রমের উপর নজর রাখবে এবং সবথেকে বেশি প্রভাবিত হতে পারে বলে ধারণা করা এলাকাগুলোতে ইউটিলিটি এজেন্সিগুলোর পর্যাপ্ত কর্মী নিয়োগের বিষয়টি নিশ্চিত করবে।

নিউ ইয়র্ক স্টেট পুলিশ (New York State Police)

স্টেট পুলিশ ক্ষতিগ্রস্ত এলাকাগুলিতে প্রয়োজন অনুযায়ী অতিরিক্ত ট্রুপার মোতায়েন করতে প্রস্তুত। চার চাকার যানবাহন, এবং ইউটিলিটি টাস্ক যানবাহন সহ বিশেষভাবে তৈরি স্টেট পুলিশের সমস্ত গাড়ী অবিলম্বে সহায়তার জন্য তৈরি এবং প্রস্তুত রয়েছে। সকল ট্রুপ, জরুরি শক্তি এবং যোগাযোগ সরঞ্জাম পরীক্ষা করা হয়েছে।

তীব্র আবহাওয়ার নিরাপত্তা পরামর্শ

প্রস্তুতি

- আপনি যে কাউন্টিতে বাস করেন এবং কাছাকাছি শহরগুলির নাম জানুন। গুরুতর আবহাওয়ার সতর্কতা কাউন্টির ভিত্তিতে জারি করা হয়।
- যদি আপনাকে তাড়াতাড়ি চলে যেতে হয় তাহলে আপনার বাড়ি বা ব্যবসা থেকে উচ্চ, নিরাপদ স্থলে যাওয়ার সবচেয়ে নিরাপদ রুটটি জানুন।
- একটি 'ফ্যামিলি এক্সেপ' পরিকল্পনা তৈরি করুন এবং অনুশীলন করুন এবং পরিবারের সদস্যরা বিচ্ছিন্ন হলে একটি মিটিংয়ের স্থান চিহ্নিত করুন।
- আসবাবপত্র, পোশাক এবং অন্যান্য ব্যক্তিগত সম্পত্তি সহ সমস্ত মূল্যবান জিনিসের একটি আইটেমাইজড তালিকা তৈরি করুন। একটি নিরাপদ স্থানে তালিকাটি রাখুন।
- টিনজাত খাবার, ওষুধ এবং ফার্স্ট এইড সরবরাহ এবং পানীয় জলের জরুরি সরবরাহ মজুদ করুন। পরিষ্কার, বন্ধ পানীয় জল সংরক্ষণ করুন পাত্রে।
- আপনার পোষা প্রাণীদের সাথে কী করবেন তা পরিকল্পনা করুন।
- একটি বহনযোগ্য রেডিও, ফ্ল্যাশলাইট, অতিরিক্ত ব্যাটারি এবং জরুরী রান্নার সরঞ্জাম পাওয়া যায়।
- আপনার গাড়ির জ্বালানি ভর্তি বা চার্জ করে রাখুন। যদি বিদ্যুৎ সরবরাহ বিচ্ছিন্ন হয়, তাহলে পেট্রোল স্টেশনগুলি বেশ কয়েক দিন জ্বালানি পাম্প করতে নাও পারে। আপনার গাড়ির ট্রান্সে একটি ছোট দুর্যোগ সরবরাহ কিট রাখুন।

দুর্যোগকালীন অত্যাৱশ্যক সামগ্রীগুলি নাগালের মধ্যে রাখুন, যার মধ্যে রয়েছে:

- ফ্ল্যাশলাইট এবং অতিরিক্ত ব্যাটারি
- ব্যাটারি চালিত রেডিও এবং অতিরিক্ত ব্যাটারি
- ফার্স্ট এইড কিট এবং ম্যানুয়াল
- জরুরি খাদ্য ও জল
- অ-বৈদ্যুতিক ক্যান ওপেনার
- অত্যাৱশ্যক ওষুধ
- চেকবুক, নগদ, ক্রেডিট কার্ড, ATM কার্ড

আকস্মিক বন্যা

- প্লাবিত রাস্তায় কখনই গাড়ি চালানোর চেষ্টা করবেন না। গাড়ি ঘোরান এবং অন্য রাস্তা দিয়ে যান।
- যদি আপনার গাড়িতে আপনার চারপাশে জল দ্রুত বাড়তে শুরু করে, তাহলে অবিলম্বে গাড়িটি ত্যাগ করুন।

• দ্রুত গতিতে বয়ে চলা জলের ক্ষমতাকে অগ্রাহ্য করবেন না। দুই ফুটের দ্রুত চলমান বন্যার জল আপনার গাড়িকে ভাসিয়ে দেবে, এবং প্রতি ঘন্টা দুই মাইল বেগে চলে যাওয়া জল একটি রাস্তা বা সেতু থেকে গাড়িগুলিকে প্রবাহের সাথে বইয়ে নিয়ে চলে যেতে পারে।

বজ্রপাত

- 30- 30 নিয়ম মেনে চলুন: যদি আপনার বিদ্যুৎ চমকাতে দেখার এবং বজ্রপাতের শব্দ শোনার মধ্যকার সময়ের ব্যবধান 30 সেকেন্ড বা তার কম হয় তাহলে সেই বজ্রপাত আপনাকে আঘাত করার মতো কাছাকাছি দূরত্বে রয়েছে। অবিলম্বে আশ্রয় গ্রহণ করুন। শেষ বিদ্যুৎ চমকানোর পর, আপনার আশ্রয় ত্যাগ করার পূর্বে 30 মিনিট অপেক্ষা করুন।
- বজ্রপাত সব চেয়ে উঁচু বস্তুতে আঘাত করে। আপনি যদি একটি গাছের লাইনের উপরে থাকেন, দ্রুত তার নিচে যান এবং আপনি একটি খোলা স্থানে থাকলে নিচু হয়ে বসুন।
- আপনি যদি আশ্রয়ে যেতে না পারেন তাহলে গাছ থেকে দূরে থাকুন। কোনও আশ্রয় না থাকলে, খোলা স্থানে নিচু হয়ে বসুন, কোনও গাছ যত লম্বা তার দ্বিগুণ দূরে থাকুন।

আরও নিরাপত্তার টিপসের জন্য, নিউ ইয়র্ক স্টেট ডিভিশন অফ হোমল্যান্ড সিকিউরিটি অ্যান্ড এমার্জেন্সি সার্ভিসেসের (New York State Division of Homeland Security and Emergency Services) সেফটি টিপস ওয়েব পেজে www.dhSES.ny.gov/safety এ যান।

###

আরো সংবাদ পাওয়া যাবে এখানে www.governor.ny.gov -এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)